

**Talamdan sa
Mga Mensahe alang sa Full-time Training
sa Spring Term sa 2024**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
IKADUHANG CORINTO**

Mensahe 12

**Pagbulot-an sa Pagkaapostol, ang Mga Hinagiban sa Atong Pakig-away,
ug ang Pagsukod sa Sukdanan sa Dios**

Basahong Kasulatan: 2 Cor. 10:3-18; 13:10

I. “Gisulat nako kining mga butanga...segun sa pagbulot-an nga gihatag sa Ginoo kanako—2 Cor. 13:10:

- A. Tungod sa kahintang sa iglesia sa Dios sa Corinto kinahanglang ipaila ni apostol Pablo ang pagbulot-an niya isip apostol—v. 10; 10:3-8.
- B. Gikinahanglan kini tungod sa lubog ug makatahap nga sitwasyon nga mugna sa mini nga mga apostol (11:11-15), nga ang ilang pagtulon-an ug pamahayag kon kinsa sila nakapasimang sa Corintohanong mga magtutuo gikan sa sukaranong mga pagtulon-an sa tinuod nga mga apostol (10:1).
- C. Ang Dios maoy kinalabwang pagbulot-an; naa Niya ang tanang pagbulot-an—Rom. 9:21-22:
 - 1. Ang pagbulot-an sa Dios sa pagkatinuod mao ang Dios mismo; naggikan sa pagkamao mismo sa Dios ang pagbulot-an—Bug. 22:1.
 - 2. Naggikan sa Dios ang tanang pagbulot-an—espirituhanon, sa posisyon, ug sa pangagamhanan—2 Cor. 10:8; 13:10; Juan 19:10-11; Gen. 9:6.
 - 3. Ang Dios ra ang direktang pagbulot-an sa tawo; ang tanang ubang pagbulot-an dili direktang mga pagbulot-an—mga tinugyanang pagbulot-an nga gitudlo sa Dios—Dan. 4:32, 34-37:
 - a. Sa diha lang mahinagbo nato ang pagbulot-an sa Dios nga makapasakop ta sa tinugyanang pagbulot-an nga gitudlo sa Dios—Mat. 28:18; Heb. 13:17; 1 Ped. 5:6.
 - b. Gipangayo sa Dios nga dili lang ta magpasakop Niya kondili sa tanang tinugyanang pagbulot-an sab—Rom. 13:1-7; 2 Cor. 10:8; 13:10; Heb. 13:17.
 - 4. Ang pagkaila sa pagbulot-an pinadayag man sa sulod dili pagtulon-an sa gawas—Buh. 22:6-16.
 - 5. Mahinagbo gyod unta natong tanan ang pagbulot-an, mapinugngan sa Dios, ug magiyahan sa tinugyanang pagbulot-an Niya—Isa. 37:16; Fil. 2:12; Heb. 13:17.

II. “Ang mga hinagiban sa among pakig-away dili unodnon kondili gamhanan atubangan sa Dios nga mopukan sa mga kuta, ingon sa pagdaog namo sa mga pangatarongan ug sa tanang habog nga butang nga nialsa batok sa pagkaila sa Dios, ug sa pagbihag sa matag hunahuna ngadto sa pag-sugot ni Cristo”—2 Cor. 10:4-5:

- A. Ang unang prinsipyo sa espirituhanong pakig-away pagsalikway man sa tanang unodnon, lawas-nong hinagiban.
- B. Kay dili man batok sa unod ang espirituhanong pakiggubat kondili sa espirituhanong mga pwersa (Efe. 6:12), dili gyod unodnon ang mga hinagiban kondili espirituhanon; gamhanan kanang mga hinagibana nga mopukan sa mga kuta sa kaaway (2 Cor. 10:4).
- C. Ang mga pangatarongan ug mga hunahuna naa sa ug iya sa salabotan—v. 5:
 - 1. Mga kuta kini ni Satanas, nga kabatok sa Dios, nga naa sa mga salabotan sa mga masupilon sa Dios.
 - 2. Pinaagi sa espirituhanong pakiggubat, pukanon gyod ang tanang pangatarongan ug bihagon gyod ang tanang hunahuna aron mosugot ni Cristo—vv. 4-5.

- D. Ang habog nga mga butang sa 2 Corinto 10:5 nagpasabot sa mapahitas-ong mga butang nga naa sa mapatuyangon-sa-sala nga pangisip nga batok sa pagkaila sa Dios; pukanon gyod kini sa espirituhanong mga hinagiban aron dili na kini mobarog pa batok sa pagkaila sa Dios.
- E. Ang tumong ning espirituhanong pakig-away pagguba man sa mga kuta ni Satanas diha sa mapatuyangon-sa-sala nga hunahuna sa tawo:
 - 1. Kining mga kutaa ang mapasigarbohong mga hunahuna ug mga paghanduraw sa hunahuna sa tawo:
 - a. Ang mapahitas-ong mga paghanduraw ug mapasigarbohong mga hunahuna mga kuta nga gitukod ni Satanas diha sa hunahuna sa tawo.
 - b. Batok kini sa pagkaila sa Dios.
 - 2. Ang tumong sa pakig-away nato pagguba man ning mga kutaa, sa habog nga mga pangatarongan ug mapahitas-ong mga hunahuna.
 - 3. Makig-away gyod ta batok ning mga butanga aron mabihag ang tanang hunahuna ngadto sa pagsugot ni Cristo—v. 5.

III. “Dili mi magpasigarbo labaw sa gisukod kanamo, kondili sumala sa sukod sa sukdanan nga gibahin kanamo sa Dios nga nagsukod, nga makaabot bisan sa ingon ninyo kalayo”—v. 13:

- A. Isog si apostol Pablo, apan dili siya isog sa iyang kaugalingon; nagpakita kini nga pinugngan siya sa Ginoo:
 - 1. Ang pagpasigarbo ni Pablo segun man sa sukod sa sukdanan nga gibahin kaniya sa Dios nga nagsukod, sa Dios nga nagbuot.
 - 2. Ang pagpangalagad ni Pablo sa kalibotan sa mga Gentil, lakip na sa Corinto, sumala man sa gisukod sa Dios (Efe. 3:1-2, 8; Gal. 2:8); busa, taman ra ning sukora ang iyang pagpasigarbo.
- B. Ang pulong *sukdanan* sa 2 Corinto 10:13 sa linetra nagpasabot og “kahoyng igsukod,” sama sa metrosan sa panday:
 - 1. Ang pulong *sukod* sa versiculo 13 nagpakita nga gisukod sa Dios; gipahat sa Dios kanato ang ingon ra kadako para sa pagbuhat ug pagsinati nato.
 - 2. Dunay Usa nga nagbuot ug nagsukod—ang Dios nga nagsukod, ang Dios nga nagbuot; busa, magpalimiti gyod ta sa gibut-an kun gisukod sa Dios.
- C. Makita nato basi sa 2 Corinto 10:13-15 nga bisan tuod naglaom ta nga mokaylap ang buhat sa Ginoo, makat-on gyod unta ta nga magpapugong sa Dios:
 - 1. Dili gyod ta maglaom og pagkaylap nga walay kinutoban; seguro gyong dili segun sa paggawing uyon sa Espiritu kanang pagkaylapa—Rom. 8:4-5, 14.
 - 2. Makapanghimatuod ta segun sa kasinatian nga kon magpakaylap ta sa buhat uyon sa Espiritu, naa gyoy paglimiti:
 - a. Sa sulod, wala tay kalinaw nga mopakaylap sa buhat labaw nianang bahina.
 - b. Sa dayag, dili ta palapason sa palibot nianang utlanana.
- D. Nakat-on gyod si Pablo nga magpapugong sa Ginoo:
 - 1. Gustong moadto sa Roma si Pablo, apan wala siya magdahom nga moadto didto nga ginapos—Buh. 26:29.
 - 2. Gisultian ni Pablo ang mga magtutuo sa Roma nga naglaom siya nga moadto sa España nga moagi nila (Rom. 15:24), apan wala gyod siya makaadto sa España.
 - 3. Andam si Pablo nga magpasakop sa gisukod sa Dios; pagpugong segun sa pagbuot sa Dios ang iyang mga gapos ug pagkabilanggo.
- E. Basi sa prinsipyo sa pagsukod sa Dios, gisultian ni Pablo ang mga taga-Corinto nga tanang gibuhat ug gipamulong niya wala gyod molapas sa gisukod kaniya; kanunay gyong nagbuhat ug naggawi si Pablo segun sa gisukod kaniya—1 Cor. 2:1-5, 12-13.
- F. Kanunayng naglihok ang mga apostol sumala sa gisukod sa Dios; bisan unsang gisukod sa Dios kanila nahimong gisakopan nila.
- G. Sa pag-alagad sa iglesia makaamgo gyod unta ta nga dunay gisukod ang Dios kanato, ug dili nato inaton ang atong kaugalingon labaw sa gisukod sa Dios; kinahanglang masayod ta sa mga kinutoban nato—2 Cor. 10:12, 14.
- H. Sama ni Pablo, molihok ug magbuhat gyod ta sumala sa gisukod sa Dios kanato—v. 13.